

TE HEHEURAA API

»»»»»
SETEPA 1938.

O VAI MAU TE INITIA?

MAI te iteraahia o teie nunaa taata i te fenua Amerika, e COLOMABUSO, i te matahiti 1492, ua vai pahono ore-hia teie uiraa tei vai i mua i te aro o te mau taa-ta o te ao nei, e tae roa mai i teie tau hopea nei. Ua rau te huru o te mau ravea i tamatahia, e te mau taata paari, no te imiraa i te pahonora, e ua rau hoi te huru o te mana'o i tuuhia mai no nia iho i te reira. *O teihea ra te pahonora tia mau ?*

Te na ô mai nei te tahi pae: *E mea huru fatata to te mau Initia reo, e ua au hoi ta ratou mau peu i ta te mau taata no Aipihiti.* No reira, e mea papu te reira te tahi fenua i parahihia e to ratou hui tupuna.

Ua uihia hoi te mau Initia iho no to ratou tuatapaparaa, aore ra ta ratou tuapaparaa no te mea aita ratou i haapao i taua ohipa papairaa buka. No te maoro hoi o to ratou parahi haapao ore noa raa i Amerika, aita i taa faahou ia ratou e, o vai ia e nohea mai to ratou mau metua matamua.

I teie râ tau hopea nei, ua haamaramarama-roa hia tatou i nia iho i taua uiraa nei, e ua noaa mai ia tatou te pahonora tia mau.

I te 22 no Setepa, matahiti 1823, ua iteahia te hoê buka tahito, tei papahia e te mau feia matamua tei tae i te fenua Amerika, oia hoi, e tuatapaparaa no te hui tupuna no te mau Initia. Ua hunahia taua buka ra i roto i te fenua, e ua vai noa ia i reira e 1.400 matahiti hou a'e oia i iriti faahou hia

au faehau
ê milioni

e Arii va-
hana e 6.
e fariiraa
aiteraa e,
raua ho'i-
ni i te fe-

nei te ta-
tahi mau
tama'i.
u ore, e i
uruhia nei

uhia i Ro-
mea mae-
e e tae noa
o'na faito

Marite ra
i roto i na

a matahiti
na ohipa i
i to ratou
e nei; e te

metua no
taua Arii
na tane i te

ahiti.

mai ai. Ua faaite mai hoi taua buka nei e, e huaai te Initia no Iseraela, na roto ia Iosepha e ta'na na tamaiti o Manase raua o Epheraima, e ua parahi to ratou mau metua i Ierusalem. O te reira te tumu i huru fatata'i to ratou reo i to te Aiphiti, no te mea ua parahi to Iseraela taatoa i Aiphiti, i te matamua.

Nau matahiti rii, hou te haamouraahia te oire rahi ra o Ierusalem, e mai te huru ra e 600 matahiti hou te fanauraa o te Mesia, ua parahi te hoê taata parau tia, o Lehi e to'na utuafare, i taua oire ra. I te reira taime ua tae mai te faaue-raa a te Atua ia Lehi, ia rave oia i to'na utuafare atoa e ia haere i roto i te medebara, no te mea e haamouhia taua oire ra. No te faaroo rahi o taua taata ra o Lehi, ua haapao ihora ratou i taua faaueraa ra e ua haere ratou i te medebara. Ua tiaturi noa ratou i te Atua, e ua aratai noahia ratou e Ana, a tere noa'i ratou na roto i te medebara, na nia'tu i te moana rahi, i te fenua i parauhia ra, oia hoi, i Amerika.

Ua vaiihohia ratou i reira ma te faaueraa, a te Atua ia ratou, ia haapao noa ratou i Ta'na mau parau atoa, ia manuia ratou. O teie hoi ia te parau a te Atua ia ratou, tei papaihia i roto i te II Nephi 1:9, tei na ô mai e: "Ia haapao ratou o te arataihia mai e te Fatu ra, e te Atua, mai te fenua maira, mai Ierusalem, i ta'na ra ra mau faaue, e manuia ia ratou i teie nei fenua." Te na ô faahou ra te irava 10 e: "Inaha râ, ia tae i te tau e tupu ai to ratou faaroo ore, i roaa na ia ratou te mau mea maitatai e rave rahi no te rima o te Fatu ra;—ia tae i te mahana e faarne atu ai ratou i Tei Mo'a i Iseraela ra, i te Mesia mau, to ratou Faao-ra e to ratou Atua, inaha, ei nia ia ia ratou te utua o Tei roto ia'na te parau tia."

I te matamua ua parahi teie mau taata, i to ratou fenua apî, mai te hau e ua paranhia hoi ratou atoa i te i'oa ra e atî Nephi. Aita ra a'era i maoro, ua tupu te peapea e te haapao ore i rotopu i te tahi pae, e ua taa-ê ratou te tahi pae i te tahi. Ua pee te tahi pae, oia hoi te mau taata haapao i te mau ture, i to ratou Raatira rahi o Nephi, e ua pee te tahi pae, o ratou tei faatupu i te peapea, i to ratou Raatira rahi

ia La
taata
ore r
ratou
huru:
ratou
te ma
puaa

N
taeae,
rahi.
te At
pheta
parau
O rat
mamoe
au ia
nana,

N
rahi i
tou i
tairaa.
pau ro
oia hoi
ratou k
i te rep

U
mai te
tou ite
toea o
parau

No

ia Lamana, o te hoê tuaana o Nephi. Ua riro a'era te mau taata no te Ati Lamana ei mau taata huru oviri e ua haapao ore roa ratou i te mau ture a te Atua. No reira i tapaohia'i ratou i te iri huru ereere. Teie te parau a Nephi no to ratou huru: "E no te faahapa ra i tuuhia i nia iho ia ratou i riro ratou ei mau taata faatau, e ua i hoi ratou i te parau ino, e te mau peu ino e te hauti, e ua imi haere noa ratou i te mau puaa oviri i roto i te medebara." (II Nephi 5:24).

No te riri tamau noa o te Ati Lamana i to ratou ra mau taeae, oia hoi, te Ati Nephi, ua tupu te mau tama'i e rave rahi. No te faaroo ra o te Ati Nephi ua tauturuhia ratou e te Atua, e ua vi te Ati Lamana. Ua tupu hoi te mau peropheta i rotopu i te Ati Nephi, e ua a'o noa ratou i te mau parau a te Atua, e e mea huru haapao ratou i te mau ture. O ratou hoi tei parauhia e te Mesia, a na ô mai ai Oia e: *E mamoe ê atu â ta'u, e ere i to teie nei aua, e aratai atoa mai au ia ratou e tia'i, e faaroo mai hoi ratou i to'u reo ia hoê a'e nana, e hoê hoi tia'i. Ioane 10:16.*

No te manuia rahi o te Ati Nephi e ta ratou mau faufaa rahi i noaa mai, ua teoteohia a'era ratou, e ua haamata ratou i te haamo'e i te parau a te Atua e ta'na mau haamaitairaa. I te hopea ua faaruehia ratou e to ratou Atua, e ua pau roa ratou i te Ati Lamana. Na te hoê taata parau tia ra oia hoi, o Moroni, te taata hopea o te Ati Nephi, i faaoti to ratou buka tuatapaparaa e na'na iho i buna i te reira, i roto i te repo, hou oia i taparahibia'i.

Ua parahi noa te Ati Lamana ana'e i te fenua Amerika mai te paura o te Ati Nephi, e tae roa mai i te tau no to ratou ite faahou raahia e COLOMABUSO. Te parahi noa nei â te toea o taua mau taata nei i Amerika i teie nei â taime e ua parau noa hia ratou i te i'oa ta'na i topa i nia iho ia ratou.

No te haapapu maitairaa; a tai'o i te **Buka a Moromona.**

Papaihia e HENERE Orometua.



EDITORIALE.

Eaha ra te utuafare ma te Metua Vahine ore ?

O te Metua vahine, o te hoê ia mea tei fatata i te huru o te Atua, i te mau mea atoa ta tatou e ite nei, i teie nei ao. Na'na te horoaraa rahi, no reira ua rahi roa te here i horoahia ia'na, i te mau here atoa. Te haamana'o noa nei oia i te mau tamarii, eiaha râ ia'na iho. Te haere roa nei oia i roto i te peho o te pohe, no te fanauraa i te tamarii. E i to tatou aruaruraa, e tiaï noa oia ia tatou ma te here rahi e te haapao maitairaa. Na'na e faaafaro i to tatou mau peapea, e e tamarû hoi i to tatou mau mauïui i to tatou apîraa ra. E ia manuïa tatou i roto i te hoê ohipa, o Oia te taata mata-mua te faaite mai e, e mea maitai roa taua ohipa ra.

E noa'tu e, ia faaruehia tatou e to tatou mau hoa; eita roa Oia e na reira, e vai noa râ Oia ei hoa mau e tae noa'tu i te hopea.

Papaihia e NOELA Orometua.

TE PARAU AUTAHU'ARAH.

Haapiiraa no te Ava'e ATOPA.

[*Sabati matamua*]

Eaha te pure ?— A hi'o i te himene N° 5. E mea nahea ia Pure ?

Te mau parau tauturu :

Mataio 6:6-12; Ioane 9:31; III Nephi 13:6, 9-13.

[*Te Piti o te Sabati.*]

A Pure ma te faaroo.

Te mau parau tauturu ;

Iakobo 1:5.7; 5:16. Moroni 10:4.

[*Te Toru o te Sabati.*]

A faatura i to Metua Tane e to Metua Vahine.

Te mau parau tauturu :

Exodo 20:12. Levitiko 19:3. Maseli 6:20-24; 10:27-30; 23:22-26.

Mataio 15:4. Ephesia 6:1-3.

[*Te Maha o te Sabati.*]

E noaa anei i te taata eiâ te Ora mure ore ?

Te mau parau tauturu:

I Korinetia 6:10. II Nephi 26:32-33.

[*Te Pae o te Sabati*]

E mahana hi'opoaraa ia.

Na Te Mau Haapii

Mahaere na te mau utuafare,

Inaha, amene, amene, e parau atu vau ia outou, e ara e e pure hoi ma te tuutuu ore e tia'i: ia ore outou ia roohia i te râmâ, i hinaaro na hoi Satane ia outou, ia ueue oia ia outou mai te sitona e ueuehia ra: No reira ia pure outou i te Metua na roto i to'u i'oa ma te tuutuu ore e tia'i; E te mau mea atoa ta outou e ani i te Metua i to'u ra i'oa, o te tia ia, a faaroo ai e noaa taua mau mea ra, e noaa ia ia outon. E pure i roto i to outou mau fetii i te Metua na roto noa i to'u ra i'oa, ia haamaitaia ta outou mau vahine e te mau tamarii hoi.

III NEPHI 18:18-21.

E Te mau Haapii hahaere e, ia haere outou na roto i te mau utuafare o te Amaa na, a haapii atu ia ratou i te huru mau no te pure; oia hoi, ia pure outou, a pure atu i te Atua mai ta Moroni i haapii mai ia tatou: *Ma te aau hinaaro mau, ma te mana'o papu, e ma te faaroo i te Mesia.*

E haamana'o tatou atoa e, o te Atua to tatou ia Metua; no reira, a faaite atu tatou i to tatou mau hinaaro Ia'na, mai te huru ra e, tei ô nei Oia i roto i te piha i pihaiho ia tatou; e ia na reira tatou e faaroohia ia ta tatou mau pure.

Area râ, ua faauehia mai te mau tamarii a te Atua ia haaputuputu pine-nepine ratou ia ratou iho, e ia amui ia ratou iho ma te haapaeraa maa e ma te pure faau'ana, ia roaa te maitai i te taata o tei ore i ite i te Atua ra.

Alama 6:6.

TE SOTAIETE VAHINE TAUTURU.

Haapiiraa no te Ava'e ATOPA

Irava Tamau Aau: III Nephi 18:15.

Amene, amene, e parau atu vau ia outou na, ia ara e ia pure ma te tuutuu ore e tia, o te râmâhia outou e te diabolo, o te faatîthia outou e ana.

Mahana Maha (Matamua).

Te PURE a Daniela. —Noa'tu i te taime e te vahi, a haamaitai i te Atua. Daniela 6:1-28.

Mahana Maha (Piti).

Te PURE a Davida. —A pure i roto i to tatou mau ati. Salamo 51:1-23.

Mahana Maha (Toru).

A PURE i to tatou Metua. —E tia te pure no roto mai i te aau, eiaha râ i te vaha ana'e.

Mataio 7:7-11. III Nephi 19: 21-36.

Mahana Maha (Maha).

Te ati rahi o te Ati Nephi. —To ratou ati no te haamana'o oreraa i te Atua. Moromoua 8:1-11.

Mahana Maha (Pae).

E mahana ohiparaa, e ei mahana hi'opoaraa hoi,

HAAPIIRAA SABATI.

Haapiiraa no te Ava'e ATOPA.

NA TE PUPU PARAIMERE

Irava tamau aau: *Himene No. 125, Irava 1.*

Te Atua, te Fatu mau, te ta'o atu nei au, faaroo mai na ta'u ani atu, oia te aau fiu i te parau ino nei, e ia pau.

Atopa 2. E roaa te haamaitairaa na roto i te faaroo mau i te Atua.

Exodo 12:17-22; 14; 15:1-21.

" 9. Ta te Atua mau tantururaa.

Exodo 15.

" 16. E roaa ia tatou te oaoa mau na roto i te haapaaraa i ta te Atua mau ture.

" 12:20,

" 23. Mai te mea e hoa mau tatou na te Atua, e rave ia tatou i te ohipa parau-tia.

" 32; 34.

" 30. Hi'opoaraa no te ava'e.

NA TE PUPU PITI

Irava tamau aau: Himene No. 125, Irava 2.

Te mau parau rore nei, te aau faateitei, e tapu atu; to'u nei iriâ e te mau peu haama, e te Atua e rave mai, pure ai au.

A haapii i te parau no te Autahu'araa.

NA TE PUPU 3 e te 4.

Irava tamau aau na te Pupu 3: Himene No. 125, Irava 3.

E te Atua e, aroha mai Oe ia'u nei; horoa noa mai te faaroo rahi, e tae atu vau i te ra'i, ia pohe ai.

Irava tamau aau no te Pupu 4: Himene No. 125, Irava 4.

E imiatsu vau tau hara ia pau, ia Iesu Christ; Oia tei pohe mai, ei ora e ora'i, te feia hara noa ra mai ia'u nei.

Atopa 2. Te tupuraa o ta Abinadi mau tohuraa.

Moromona 1.

9. To Moroni oto rafi'no te faaruraa, a to'na mau taeae, i to ratou Atua.

2.

16. To Moroni haapijraa i to te mau otia o te ao nei.

3.

23. Te hororaa'tu o te Ati Nephi.

4.

30. E mahana hi'opoaraa.

HAAPIIRAA NA TE FEIA API.

HAAPIIRAA NO TE AVA'E ATOPA.

Irava tamau aau: Iakoba 4: 6.

E no reira i imi ai matou nei i ta te mau peropheta ra, e tei ia matou te mau parau heheu e rave rahi, e te Varua o te tohu hoi; e i te mea, te vai ra teie mau ite ia matou, ua roaa ia ia matou te tiairaa; e ua vai ia hoi to matou faaroo eimea auene ore e tae atu hoi i te faauerua'tu i te i'oa o Iesu ra, e faaroo ai te mau raau ia matou, e te mau mou'a, e te aru miti ra.

TE MAU HAAPIIRAA A TE PEROPHETA.

Tei iritihia e NOELA Orometua, no roto mai i te parau tuatapapa no Iosepha Semita.

1^o. E ere te PEROPHETA i te Peropheta i te mau taima atoa. I te 8 no Fepuare 1844, i te po'ipo'i, ua tai'o vau i te reo Purutia e ua farerei au i to'u tuaana e to'u tuahine hoi, no Michigan, e ua mana'o raua e: *Te Peropheta ra, e Peropheta ia i te mau taima atoa.*—Area râ, na faaite au ia raua e: O te *Peropheta* ra, e *Peropheta* ia oia i te taima e rave ai oia i taua ohipa ra.

2º. Te mau taata i te ra'i ra.—Te vai ra na huru taata e piti i nia i te ra'i, oia hoi, te hoê ra o te *Melahi* ia, tei tia faahou mai e tei noaa ia ratou te tino i'o e te ivi, mai ta Iesu i faaite ra: *A fâfâ mai na ia ite; aita o te Varua e i'o e te ivi mai to'u nei, ta outou e hi'o mai nei.* Te piti ra, o te mau Varua o te mau taata parau tia tei haamaitai roahia; o ratou tei ore i tia faahou mai, area ra, e, roaa ia ratou taua huru hanahana ra.

3º. Te ravea no te iteraa i te huru mau o te melahi.—Ia tae mai te hoê taata e ia faaite mai oia e, e parau ta'na no ô mai i te Atua ra, a horoa'tu i to oe rima, e mai te mea e rave mai oia i te reira, e ite ia oe i to'na rima, e i reira oe e ite ai e, e melahi mau oia. Mai te mea ra e, e varua oia no te hoê taata parau tia tei haamaitai roa hia, e tae mai oia i roto i to'na hanahana, no te mea e, te reira ana'e ta'na ravea e tae mai ai oia ra. Eita roa oia e horoa mai i to'na rima e eita oia e hautiuti; area râ e faaite mai oia i ta'na parau. Mai te mea ra e, o te Diabola ia, mai te huru o te melahi no te maramarama, e horoa mai oia i to'na rima, eita ra oe e ite i to'na rima, no reira e ite ia oe i to'na huru mau.

Teie ia na taviri e toru ia taa ia oe e, no hea mai ratou.

Te mau uiraa;

Uiraa 1. Te Peropheta, e Peropheta anei oia i te mau taime atoa?

Uiraa 2. Ehia huru taata i nia i te ra'i?


Uiraa 3. Eaha ta Iesu parau no te hoê huru taata i reira?

Uiraa 4. Mai te mea e tae mai te hoê taata ia tatou, eaha ia ta tatou ravea ia ite e, no hea oia?

Uiraa 5. E mai te mea e varua oia, nahea ia?

Uiraa 6. E mai te mea e tae mai te Diabolo, mai te melahi o te maramarama, nahea ia?

Uiraa 7. Na vai i faaite mai i teie nau tapao e toru?



Iosep

1º

a'o

taata

vau

hou

mun

tuata

roa t

i mu

2º

re 18

utua

hia'i

anaa

tia i

iho,

3º

Ait

ta, m

noa't

i te t

te rei

reira

ori râ

te ma

e to t

parau

faaine

faaipc

Uir

Uir

Uir

1^o. Te huru o te taata tei imi i te tapao.—I te hoê mahana, te a'o ra vau i te Evanelia i Philadelphia, ua ani mai te hoê taata Quaker no te faaiteraa i te hoê tapao. Ua parau atu vau ia'na, a mamu oe. I te hopea o ta'u a'oraa ua ani faahou mai oia no te tapao. Ua parau atura vau, i mua i te amuiraa: *O te taata ino, e te faaturi i te semeio, o ratou ia te tuata faaturi mau.* Ua na ô maira te hoê taata: ' e parau mau roa te reira, no te mea ua ite au ia'na i te na reira raa.' E i muri iho ua faaite mai taua taata ra e, ua na reira mau oia.

➡➡➡➡➡➡

2º. Te Ao nei, e Urima e te Tumima ia.—I te 18 no Febua-
re 1844, i te taime i tamaa'i matou, ua faaite atura vau i to'u
utuafare, e i tau mau hoa i reira e, i te taime e haamaitai-
hia'i te ao nei, e ia riro te reira mai te hoê mīti mai te hi'o
anaana, e riro ia te ao nei ei *Urima e ei Tumima rahi*, e e
tia i te feia mo'a, ia hi'o ratou i roto i te reira, ia ite ia ratou
iho, mai to ratou hi'oraahia e vetahi ê.

→→→→←←←←

3^o. Te mau tapao no te haereraa mai o te Tamaiti a te Taata.

Aita hoê a'e taata tei ite i te tapao no te Tamaiti a te Taa-
ta, mai tei faaitehia e Iesu, e eita roa te reira e iteahia e tae
noa'tu i te haapoiriraa o te mahana e ia faahopuhia te ava'e
i te toto, no te mea, aita â i faaitehia mai ia'u nei, e te Atua,
te reira tapao. E mai te au i te parau a te peropheta, mai te
reira ia te huru: *Aita a te Fatura a Iehova e peu i rave, ma-
ori râ ia faaite i ta'na pavau i mo'e i ta'na ra mau tavini, i
te mau peropheta.* (*Amosa 3:7*). No reira, a faaroo mai na
e to te ao nei: Eita roa te Fatu e haere mai e faatere i te feia
parau tia, i roto i te ao nei, i te matahiti 1843, e e tae noa'tu ia
faaineinehia te mau mea atoa no te haereraa mai o te Tane
faaipoipo apî.

Te mau uiraa:

Uiraa 1. E hia taime i ani mai ai teie taata ia IOSEPHA no te tapao ?

Uiraa 2. Eaha ta IOSEPHA pahonoraa ia'na ?

Uiraa 3. Eaha ta te hoê taata parau no te pahonoraa a IOSEPHA ?

Uiraa 4. E riro anei te ao nei ei Urima e te Tumima?

Uiraa 5. Eaha te mau mea ta te feia mo'a e ite i te reira taime?

Uiraa 6. Ua iteahia anei te tapao no te haereraa mai o te Tamaiti a te Taata?

Uiraa 7. Eaha te tau e iteahia'i taua tapao ra?

Uiraa 8. Ahea ra te Fatu e tae mai ai, ei faatere i te Feia Mo'a?

HAAPIIRAA TORU NO NIA I TE

MAU HAAPIIRAA A TE PEROPHETA

Tei iritihia e NOELA Orometua.

1°. Te huru o te Mesia ia tae mai Oia.—Ia tae mai te Mesia e ite tatou ia'na mai to'na iho huru mau. E ite hoi tatou e, e taata Oia mai ia tatou iho nei te huru, e hoê â huru to tatou farereiraa i reira i to tatou farereiraa i ô nei, i rotopu ia tatou iho, maori râ e huru hanahana mure ore to tatou i reira, area, i teie nei ra, aita â te reira hanahana i noaa ia tatou.

2°. Te faito tau a te Atua.—Teie te pahonora no te uiraa: *E ere anei ua aifaito ia te Atua faitorau i te taime i ta te melahi, e ta te Peropheta ra, aita anei i aifaito i tate taata, mai te au i te faito o te ao ta'na i parahi ra?* E pahono vau e, E. Area râ, aita te hoê melahi i faataahia no teie nei ao, maori ra, o ratou te faaea i ô nei, e a ore ra, ua faaea ratou i ô nei. Te mau melahi te ore e parahi nei i nia i te hoê ao mai teie nei ao te huru, tei pihaiho ia ratou i te Atua, i nia i te hoê ao anaana mai te miti anaana tei anoihia i te auahi, e i reira te vai ra te mau mea no to ratou hanahana, no te tau i muri, e no teie nei, e no te tau i mua ra, e e vai noa ratou i mua i te Fatu.

Te mau uiraa:

Uiraa 1. Ia tae mai te Mesia, eaha ia To'na huru?

Uiraa 2. Eaha te huru o to tatou faqearaa i reira?

U
U
U
U
U

1°. Ahir
te ho
tae n
Te v
ore e
te ho
mea
ia'u
te var
te Ta
teie p
ora v
â Oia
ra, e
te i'oi
Taata
ahuru
kalup
melahi
ra ei po
mau op
reo e,
utuaraa
te tai, e
Ia mahe
hoi, i
Eita ra
no teie

Uiraa 3. Eaha te faito a te Atua, no te taime ?

Uiraa 4. Eaha te faito a te Peropheta, no te taime ?

Uiraa 5. Nohea mai te mau melahi o teie nei ao ?

Uiraa 6. E faaea te mau melahi i hea ?

Uiraa 7. Eaha te huru o taua ao ra ?

HAAPIIRAA MAHA NO NIA I TE

MAU HAAPIIRAA A TE PEROPHETA

Tei iritihia e NOELA Orometua.

10. Te haere hanahanaraa mai o te Tamaiti a te Atua.

Ahiri e tohu vau, e faaite atu ia vau e, eita Oia e tae mai i te hopea o te mau matahiti 1844, 5 e te 6, e eita atoa Oia e tae mai i roto i na matahiti e maha ahuru e haere mai nei. Te vai nei ra te mau tamarii o te tupu nei, e o ratou hoi te ore e ite i te pohe e tae noa'tu i te taeraa mai o te Mesia. I te hoê taime ua pure vau ma te hinaaro mau ia ite i taua mau mea ra, e ua faaroo ihora vau i te hoê reo i te na ô raa mai ia'u nei; *E ta'u Tamaiti, mai te mea e ora oe e tae noa'tu i te vau ahuru e ma pae o to oe matahiti, e ite ia oe i te mata o te Tamaiti a te Taata ra*, e ua vaiihohia vau ia feruri i nia i teie parau. E teie te hoê o to'u mana'o: 'Mai te mea e, e ora vau e tae noa'tu i te reira huru paari raa, e tae mai iho-â Oia, eita ia vau e faaite e, e haere mai anei Oia, e a ore ra, e haere atu vau i To'na vahi. Te tohu nei au, na roto i te i'oa o te Fatu, e e tia ia papaihia teie: *Te Tamaiti a te Taata, eita Oia e tae mai na mua a'e i to'u taeraa'tu i te vau ahuru ma paeraa o to'u matahiti*. E i reira a tai'o i te Apokalupo i te pene 14, i te irava 6 e te 7: Hi'o atura vau i te hoê melahi i te maueraa na ropu i te reva nei; ma te evanelia e tia i te vairaa ra ei pororaa'tu i te feia e parahi i te ao nei ra, i te mau fenua atoa, e te mau opu atoa, e te mau reo atoa, e te mau nunaa atoa, i te pii-hua raa te reo e, A mātā'u i te Atua, e faahanahana'tu ia'na; ua tae hoi i te hora faautuaraa na'na ra: e haamori outou ia'na, i tei hamani i te ra'i, e te fenua, e te tai, e te mau pape pihaa ra. E tai'o atoa i te Hosea, i te pene 6: Ia mahemo a'e na matahiti e piti ra, e tai'o â e 2.520 matahiti, oia hoi, i te matahiti 1890 te taeraa mai o te Tamaiti a te Taata. Eita ra e tupu na mua a'e i te mau faautuaraa i parauhia ra no teie hora, e ua haamatahia hoi taua mea ra.

Te mau uiraa;

Uiraa 1. E ite anei te tahi mau taata e ora nei, i te Mesia i To'na haere hanahanaraa mai?

Uiraa 2. Eaha te pahonora ta Iosepha i farii no ta'na pure no nia i taua ohipa ra?

Uiraa 3. Eaha ta'na tohu no te reira ohipa?

Uiraa 4. E tupu anei teie mau faautuaraa hou a'e i To'na haereraa mai?

Uiraa 5. Eaha ia te huru no te reira mau faautuaraa?

HAAPIIRAA NO TE PARAIMERE.

No te Ava'e ATOPA

Haapiiraa Hoê tei iritihia e Noela Orometua.

Te hamamiraahia o te ao nei. Eaha te mea tei faanehenehia i te ao?

Te maramarama no te râ, te mau anavai, te mau roto, te mau raau, te mau tiare, te mau manu e te mau pepe.

Ah! Ua papu roa ia'u e, e tia ia oe ia faaite mai i te mau mea atoa tei faanehenehe i te reira. E mea maere e te nehehe hoi, no reira, ua ite tatou e, eita e tia i te taata ia hamani i te reira. E mea maere mau i te matamua, no te mea e pape ana'e to nia iho i te ao nei, e eita roa e tia i te taata ia faaea i roto i te pape. Ua na ô maira te Atua: *Ia pue ê te mau pape no raro a'e i te ra'i i te vahi hoê, e ia itea te vahi maro. E ua na reira hia maira.*

Te mau uiraa:

Uiraa 1. Eaha te hoê mau mea tei faanehenehe i te ao nei?


Uiraa 2. E mea maere anei teie mau ohipa?

Uiraa 3. Ua hamani anei te taata i te ao nei?

Uiraa 4. Na vai ra i hamani i te ao nei?

Uiraa 5. No te aha aita i tia i te taata ia faaea i nia i te ao nei i te matamua?

Uiraa 6. Na vai i parau, ia iteahia te repo maro?



HAAPIIRAA PITI.

Ua ite anei oe i te mou'a e te mau raau? Eaha na mea tei tauturu ia oe ia ite oe i taua mau mea nei? To oe mata? E, e tauturu raua; mai te mea e haere oe i roto i te hoê piha poiri e e opani oe i te mau uputa, e tia anei ia oe ia ite i te hoê mea? E mea papu roa e, eita, area râ te vai noa ra to oe na mata. No reira, eaha te mea te tauturu ia oe ia ite i te mau mea atoa ra. Ah, E! o te maramarama o te râ. Ua ite anei oe e, ahiri tei reira oe i te hamaniraahia o teie nei ao, eita ia oe e ite i te ao, no te mea aita e maramarama no te râ mai, e e mea poiri te mau mea atoa. Ua ite te Atua e, eita te taata e oaoa ia faaea noa ratou i roto i te poiri i te mau taime atoa, no reira ua parau ihora te Atua: *Ei maramarama, e maramarama ihora.*

TE MAU UIRAA:

Uiraa 1. Eaha te mea te tauturu ia oe, ia ite oe i te mau mea?

Uiraa 2. Ahiri ua ite tatou i te ao, i muri a'e i to'na hamaniraahia, eaha ia to'na huru?

Uiraa 3. No te aha te Atua i faataa'i te poiri i te maramarama?

HAAPIIRAA TORU.

I to oe mana'o, eaha te i'oa ta te Atua i topa i nia iho i te tau te vai ra te maramarama? Oia mau, hoê â huru i teie nei mahana, oia hoi, e mahana. E i nia i te poiri, ua topa oia i te i'oa ra e po. Te here nei tatou i te maramarama o te râ, e mea tia hoi ia here atoa tatou i te poiri. E ere i te mea au ia taoto tatou i roto i te maramarama; e ahiri e mea maramarama to tatou piha i te po, eita paha tatou e taoto.

Ua ite to tatou Metua i nia i te ra'i ra, ia hauti e ia rave noa te mau tamariki i te ohipa, mai te poi poi e tae noa'tu i te po, ua rohirohi roa ia ratou. E no reira, ua tuu Oia i te poiri i te po, ia tia ia ratou ia taoto maitai e ia noaa faahou te itoitoe e te puai hoi no te mahana apî. E te mau puua, e mea au atoa hoi ia taoto ratou; e te tahi mau tiare hoi, e taoto

atoa ratou i te po, mai te mau tamariki te huru, e e tia hoi ratou i te maramarama o te râ ia faarahia ratou. O teihea te tiare e na reira nei?

TE MAU UIRAA:

Uiraa 1. Eaha te i'oa no te tau maramarama?

Uiraa 2. E te i'oa no te tau poiri?

Uiraa 3. E tia anei ia here tatou i te poiri mai to tatou here i te maramarama?

Uiraa 4. E taoto maitai anei tatou i roto i te maramarama?

Uiraa 5. No te aha ua horoa mai te Atua i te poiri na tatou?

Uiraa 6. E taoto anei te mau puua e te tahi mau tiare?

HAAPIIRAA MAHA.

Eaha te tahi mea ta te Atua i hamani i nia i te ra'i? E na hamani Oia i te ava'e nehenehe e te fetia hoi. E mea nehenehe roa te maramarama o te ava'e; na ite anei oe i te reira i nia i te moana, e au i te taiamani i nia i te mau are.

E mea aroha roa te Atua ia tatou i to'na horoaraa i te ava'e nehenehe na tatou. Ehia fetia Ta'na i hamani na tatou Ta'na mau tamariki? Ua ite tatou e, eita roa e tia ia tatou ia tai'o i te reira, e e mea nehenehe hoi ratou.

TE MAU UIRAA:

Uiraa 1. Eaha te tahi mea ta te Atua i hamani na tatou?

Uiraa 2. Ua tuhia te reira i hea?

Uiraa 3. E mea nehenehe anei te maramarama o te ava'e?

Uiraa 4. Ua aroha anei te Atua ia tatou, i To'na horoaraa mai i teie mau mea ia tatou?

Ua parau ihora te Atua, ei tiarama to roto i te reva i te ra'i ra, ei faataa i te rui e te ao: e ei tapao ia, e ei faaite no te mau tau, e no te mau mahana, e no te mau matahiti; ei tiarama ia i roto i te reva i te ra'i nei, e haamaramarama i te fenua. E oia mau atura. Hamani ihora te Atua i na tiarama rarahi e piti ra, o te tiarama rahi ra, ei haapaoraa ia no te ao, e te tiarama iti, ei haapaoraa ia no te rui; hamani ihora hoi oia i te mau fetia atoa.

GENESE 1:14-16

TE MAU PARAU API

I te 21 no Atete i mairi a'enei, ua reva'tu o VERANONA Orometua no te ho'i atu i to'na fenua ai'a. Ua rave maitai oia i ta'na ohipa i teie paeau fenua moana nei e ua rahi te mau taata tei farereihia e tei tauturuhia e ana. Ua roaa ia'na te ite no te reo tahiti, e ua mauruuru roa matou no to'na faaearaa e to'na raveraa i te ohipa i ô nei.

I te 16 no Atete i mairi a'enei, ua pohe roa, i Papeete nei, to tatou tuahine i te faaroo ra, o TAITUA â MANAIA no Aratika. Ua tae mai oia i Papeete i te ava'e Tiurai e i muri rii iho tupuhia ihora oia i te ma'i. Ua vai noa oia i te ma'i i na hepetoma e toru, e i te hopea pohe roa'tura oia.

I te fenua Purutia, i te 27 no Atete i mairi a'enei, a tamatahia'i te hoê pahi reva apî rahi roa, ua tupu te hoê peapea e ua parari roa taua pahi reva ra, aita ra te hoê taata i pepe.

I te hopea no te ava'e Atete i mairi a'enei ua tupu te hoê tama'i i rotopu i te hoê pahi no te Hau Paniora e te tahi nau pahi no te orure hau. Ua faaitohia e, na pohe roa e 32 taata e ua pepe hoi 14 taata i nia i te pahi o te Hau, e ua pohe atoa te taata i nia i te mau pahi o te orure hau, aita râ i iteahia te rahiraa.

E Tuahine itoitou mau. E Piti ahuru ma maha matahiti i te aratai raa i te Pūpū Tuahine Tauturu no te Amaa i Hikueru, Tuamotu. Te reira te ohipa tei ravehia e FAKAHOTU â TUMAHANI o tei tae i te ono ahuru ma hoê raa o to'na matahiti; e i teie nei ua maitihia to'na mono, area ra ua mauruuru roa te Ekalesia ia'na no ta'na mau faatereraa maitai.

Ua fanauhia oia i Reka Reka i te matahiti 1877, e ua baptizohia oia. i roto i te Ekalesia, i to'na apiraa. Ua haere mai oia, e to'na nau metua, i Hikueru e ua rave noa oia i te ohipa, i roto i te Ekalesia, e tae roa mai i teie nei.

Ua haamata oia i ta'na ohipa i roto i te Pūpū Tuahine tauturu i te matahiti 1902, e e piti ahuru ma pae to'na matahiti i reira a faataahia'i oia ei Tauturu Piti i roto i te Peretiteniraa o te Pūpū. E ono matahiti i muri iho ua faataahia oia ei Tauturu hoê no taua Pūpū ra, e i muri a'e ua maitihia oia ei Peretiteni no te reira Pūpū.

O Matagi â Kau ta'na hoa tei tae i te 69 o to'na matahiti i teie nei, e ua rave itoitou noa oia i te ohipa i roto i te Ekalesia, e e rave rahi te mau Orometua tei tauturuhia e rana na roto i te maa, te fare e te taotoraa hoi.

Aita i tae mai. I na ava'e i mairi a'enei, ua tiahia te Aposetolo ra o Tihoti A. SEMITA raua o Rufus K. HARDY, no te Peretiteniraa no te Hitu Ahuru, e aita roa raua i tae mai no te mea aita to raua piha i noaa i nia i te pahi ta raua i mana'o no te haere mai i ô nei, e no reira ua ho'i atu raua i Amerika. Noa'tu ra i te reira, e tae mai ihoa te tahi na taata toroa i roto i te hoê o te mau ava'e i mua nei.

I te fenua Helvetia, a tere ai te tahi mau pahi reva no te hau, i te hoê poroterāa tama'i, i te ava'e no Atete i mairi a'enei, ua û e 4 pahi reva i nia i te hoê mou'a, no te rahi o te rupehu, e ua pohe roa e 4 taata e ua pepe roa hoi e piti taata.

Ua tae mai te parau api no Takaroa mai, tei faaite mai e, e mea itoitiroa o Keneta Orometua raua o Rutena Orometua e te Amaa atoa hoi i roto i te ohipa. Ua maitihia e ua faataahia o Turoa â Tahauri ei Tauturu hoê, e o Tekehu â Tetoka ei Tauturu piti i roto i te Peretiteuiraa o taua Amaa ra.

Te faaineine nei hoi ratou no te Amuiraa Atopa i reira.

Te itoitiroa noa ra o Totare Orometua raua o Pereti Orometua i te raveraa i te ohipa i Hikueru, e e mea maitai hoi te Amaa i reira. Te faaineine atoa ra te Amaa, e te mau taata'toa hoi i reira, no te Amuiraa Atopa no te mau fenua i nia, e no te mea e tae atoa'tu to tatou Peretiteni api, o SE-TEFANO i reira no te Amuiraa.

I roto i te mau fenua i nia i te ao nei te tupu noa nei te mau peapea i te rahiraa. Te haere noa nei te tama'i i te rahiraa i te fenua Tinito e te haere noa nei te Japone i mua i reira. I te fenua Europa te vai noa ra te mau peapea i reira; te vai noa ra te tama'i i rotopu i te Hau Paniora e te mau orure hau i taua fenua ra. E te fifi noa nei te toea o te mau Hau, i Europa, no te mea te tamata noa ra te Hau Purutia i te haru i te tahi mau fenua i reira. E no reira, e tia ia hi'opoa maitai tatou i ta ratou mau ohipa.

I te mahana matamua no te ava'e o Setepa nei, ua ho'i atu o HENERE Orometua raua o NOELA Orometua i to raua fenua ai'a. Ua tae atu raua i te Tuamotu e i Tubuai atoa hoi e e rave rahi te mau taata ta raua i farerei i reira. Ua noaa ia raua te ite no te reo tahiti e ua maitai roa te ohipa ta raua i rave i rotopu i te mau taata tei herehia e te Atua ra.

I te hoê po, oia hoi, te 31 no Atete i mairi a'enei, ua haaputuputu mai te mau taata i te fare Orometua, i Papeete nei, no te faatupuraa i te hoê hautiraa ia tupu te oaoa no te revaraa o to tatou na Orometua ra o Henere raua o Noela. Ua ravehia te mau huru hautiraa tei hau roa i te maitai e ua oaoa roa te mau taata tei tae mai, e te mau Orometua atoa hoi. I te pae hopea o te hautiraa ua faaamuhia te mau taata atoa i te pape toetoe, e riro atura te hautiraa ei mea maitai roa.

Ua faaite atoa mai na Orometua i to raua maururu rahi no te mau ohipa i ravehia e no to raua faaearaa i teie paeau moana nei.

I teie na ava'e i mairi a'enei, ua rave noa te mau Orometua ra o Noela, o Etera, o Nile e o Henere, i te ohipa i Punaauia, Tahiti nei, e e mea maitai te ohipa i reira. I teie nei ra, ua maitihia na Orometua ra o Eledona raua o Viri no taua ohipa ra.

Te hoo o teie nei ve'a:

E pae farane i te matahiti hoê;

E hoê ahuru farane no na matahiti e toru.

Marcel Bonnet Gérant

Kenneth R. Stevens, Imprimeur.

Rue Dumont d'Urville, Orovini, Papeete, Tahiti.

hia i r
Tiunu
ni e ti
hoê pa
hu'ara
taata i
Fe'a A

I te t
tou e,
rau ra.
ia haap
mau ta
ore te n
a ore ra

Ia ha
hia, i A
ta tei p
(137,000
te rahi c

No re
to mato
iho taata
te Ekale